

Inatsisartut suleriaasiat § 37 malillugu, immikkoortoq 1 naapertorlugu matumuuna Naalakkersuisunut apeqqut imaattoq saqqummiuppara:

Naalakkersuisunut apeqqut:

- 1. Illoqarfinni mikinerusuni nunaqarfinnilu inuit ilaqtariillu tassanngaannartumik toqukkut qimangaasimasut ataatsimoortumik anersaakkut tuppallersarneqarsinnaanerit periarfissaqarpaa ?**

(Inatsisartunut ilaasortaq, Anthon Frederiksen, Partii Naleraq)

Tungavilersuut:

Qujanaqaaq nunatsinni ajunaarnersuaqartillugu allatulluunniit inunnik pinerliisoqarsimatillugu qitiusumiik angalasartunik ikiingasuartussanik peqarmat.

Ajoraluartumik aamma illoqarfiit mikinerit ilaanni nunaqarfinnilu ukiup ingerlanerani imminornerit tassanngaannartumillu qaratsakkut aanaartornerit pissutigalugit sumiiffiit ilaanni inuit ilaqtariillu arlallit toqukkut qimangaasarput tamanut annerusumik minnerusumilluunniit eqquinerluttumik.

Taamaattoqartillugu ilaqtariit qimangaasullu ilaat ataatsimoortumik tarnip pissusaanik ilisimasalinnik tarnikkut tuppallersarneqarnissaminnik pisariaqartitsisarput.

Tassami sumiiffiit pineqartut ilarpassuini tarnip pissusaanik ilinniarsimasunik allanilluunniit ikiorsiisinnaasunik peqarneq ajormat.

Taamaammatt assut soqutigintippara sumiiffiit ilaanni qulaani oqaatigineqartutut piffissap ilaani arlalinnik tassanngaannaq toqukkut qimangaasoqartillugu arlaatigut pisortatigoortumik aaqqissuussisoqarsinnaanersoq ?

Apeqqutit ullut suliffiit qulit qaangiutsinnagit akineqarnissaat kissaatigaara.